



**GRADSKI MUZEJI
SARAJEVO**

ARS Aevi



Broj: 01-02.3-22/24

Sarajevo: 17.1.2024.

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primljeno:		17-01-2024	
Org. jed.	Broj	Priloga	Vrijednost
05/1	-02-	529	123

Bosna i Hercegovina

Federacija Bosne i Hercegovine

Predstavnički dom Parlamenta Federacije Bosne i Hercegovine

Predmet: Odgovor na zastupničku inicijativu Harisa Silajdžića, dostavlja se

veza: 05/1-02-529/23 od 11.12.2023.

Poštovani gospodine Silajdžić,

obavještavamo Vas da smo zaprimili Vašu zastupničku inicijativu koja se odnosi na provedbene propise Zakona o pravima branilaca i članova njihovih porodica.

S tim u vezi želimo Vas obavijestiti da smo predani poštivanju svih relevantnih zakonskih odredbi, posebno onih koje se odnose na prednost pri zapošljavanju branilaca i članova njihovih porodica.

S obzirom na nedavni javni oglas za popunjavanje dva radna mjesta u našoj ustanovi, želimo istaknuti da smo trudili osigurati transparentnost, jednakost šansi te pravičnost za sve kandidate koji su se prijavili putem javnog oglasa. Pri tom, detaljno smo razmotrili i pridržavali se propisanih smjernica iz Zakona.

Stojimo na raspolaganju za pružanje dodatnih informacija ili pojašnjenja koja biste mogli zatražiti.

S poštovanjem,

Senka Ibrišimbegović
Direktorica



Javna ustanova "Gradski Muzeji" Sarajevo

Adresa: Petrakijina broj 7, 71000 Sarajevo, Bosna i Hercegovina • ID: 4202508280005 • Raiffeisen banka: 1610000203920007
Telefon: +387 33 529 820 • Email: info@gradskimuzeji.ba • Web: www.gradskimuzeji.ba



Broj: 01-02-1-1247/23
Sarajevo, 09.01.2024. godine

Federacija Bosne i Hercegovine
Parlament Federacije BiH
Zastupnički/Predstavnički dom
Tajnik/Sekretar

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Prilijeno: 15-01-2024			
Org. jed.	Broj	Priloga	Vrijednost
05/1	-02-	529	24

Predmet: Odgovor na zastupničko pitanje Harisa Silajdžića, zastupnika u Predstavničkom domu Parlamenta Federacije BiH, dostavlja se

Veza: Vaš akt broj: 05/1-02-529/23 od 11.12.2023. godine

Poštovani,

U vezi zastupničkog pitanja Harisa Silajdžića, kojim je podnio zastupničku inicijativu prema svim federalnim, kantonalnim, gradskim organima, općinskim službama za upravu i upravne organizacije, javnim ustanovama i preduzećima čiji su osnivači Federacija, kanton, grad ili općina, privredna društva i javna preduzeća u kojima Federacija ima većinski vlasnički udio te i od Vrhovnog suda FBiH i svih kantonalnih i općinskih sudova da dostave provedbeni propis u vezi člana 28a. Zakona o pravima branilaca i članova njihovih porodica, Agencija za državnu službu Federacije BiH, Vas obavještava o sljedećem:

Agencija za državnu službu Federacije Bosne i Hercegovine je u skladu sa članom 14. stav 4. Zakona o pravima demobiliziranih branilaca i članova njihovih porodica („Službene novine Federacije BiH“, broj: 54/19), donijela Uputstvo o postupku osiguranja prednosti nezaposlenim demobiliziranim braniocima i članovima njihovih porodica prilikom popune radnih mjesta u Agenciji za državnu službu Federacije Bosne i Hercegovine broj: 05-02-2-9/23 od 05.01.2023. godine, koje Vam u prilogu dostavljamo.

Prilog: Uputstvo o postupku osiguranja prednosti nezaposlenim demobiliziranim braniocima i članovima njihovih porodica prilikom popune radnih mjesta u Agenciji za državnu službu Federacije Bosne i Hercegovine.



DIREKTOR

Refik Begić, magistar uprave

Dostaviti:

1. Naslovu
2. Odjeljenju za pravna pitanja i planiranje zapošljavanja
3. a/a



Bosna i Hercegovina, Federacija Bosne i Hercegovine, AGENCIJA ZA DRŽAVNU SLUŽBU
Босна и Херцеговина, Федерација Босне и Херцеговине, АГЕНЦИЈА ЗА ДРЖАВНУ СЛУЖБУ
Bosnia and Herzegovina, Federation of Bosnia and Herzegovina, CIVIL SERVICE AGENCY

U P U T S T V O

o postupku osiguranja prednosti nezaposlenim demobiliziranim braniocima i članovima njihovih porodica prilikom popune radnih mjesta u Agenciji za državnu službu Federacije Bosne i Hercegovine

Sarajevo, januar 2023. godine

Adresa / Address: Hamdije Čemerlića br. 2, Sarajevo | Адреса: Хамдије Чемерлића бр. 2, Сарајево | Telefon / Телефон / Phone: 033/ 55 20 40
e-mail / e-маил: info@adsfbih.gov.ba | www.adsfbih.gov.ba | www.obuke.adsfbih.gov.ba



Na osnovu člana 66. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj 35/05), a u vezi sa članom 14. stav 4. Zakona o pravima demobiliziranih branilaca i članova njihovih porodica („Službene novine Federacije BiH“, broj 54/19), direktor Agencije za državnu službu Federacije Bosne i Hercegovine, d o n o s i

UPUTSTVO

o postupku osiguranja prednosti nezaposlenim demobiliziranim braniocima i članovima njihovih porodica prilikom popune radnih mjesta u Agenciji za državnu službu Federacije Bosne i Hercegovine

I – OSNOVNE ODREDBE

Član 1.

(Predmet)

Ovim Uputstvom, uređuje se postupak osiguranja prednosti pod jednakim uslovima nezaposlenim demobiliziranim braniocima i nezaposlenim članovima njihovih porodica prilikom popune radnih mjesta državnih službenika i namještenika u Agenciji za državnu službu Federacije Bosne i Hercegovine (u daljem tekstu: Agencija).

Član 2.

(Status demobiliziranog branioca i člana porodice demobiliziranog branioca)

Demobiliziranim braniocima i članovima porodice demobiliziranog branioca smatraju se lica iz člana 2. i 3. Zakona o pravima demobiliziranih branilaca i članova njihovih porodica („Službene novine Federacije BiH“, broj 54/19).

II – PRAVO NA PREDNOST PRILIKOM POPUNE RADNIH MJESTA

Član 3.

(Pravni osnov)

U skladu sa članom 14. stav 2. Zakona o pravima demobiliziranih branilaca i članova njihovih porodica, demobiliziranim braniocima i članovima njihovih porodica, osigurava se prednost prilikom popune radnih mjesta državnih službenika i namještenika u Agenciji.

Član 4

(Prednost prilikom postavljenja državnih službenika)

Prednost iz člana 3. ovog Uputstva Agencija osigurava demobiliziranim braniocima i članovima njihovih porodica u svojstvu kandidata učesnika konkursne procedure za popunu radnih mjesta državnih službenika, na način propisan odredbama ovog Uputstva sve do donošenja propisa u skladu sa članom 30. stav 2. Zakona o državnoj službi u FBiH („Službene novine FBiH“, broj: 29/03, 23/04, 39/04, 54/04, 67/05, 8/06, 4/12, 99/15 i 9/17- Presuda Ustavnog suda Federacije Bosne i Hercegovine broj: U-13/16).

Član 5.

(Prednost prilikom popune radnih mjesta namještenika)

Prednost iz člana 3. ovog Uputstva, na način propisan odredbama ovog Uputstva, Agencija osigurava nezaposlenim demobiliziranim braniocima i članovima njihovih porodica, u okviru provođenja procedure javnog oglasa za popunu radnih mjesta

namještenika prema Zakonu o namještenicima u organima državne službe u Federaciji Bosne i Hercegovine („Službene novine FBiH“ broj: 49/05 i 103/21).

III – KRITERIJI ZA OSIGURANJE PREDNOSTI

Član 6.

(Opći kriteriji)

Lica iz člana 2. ovog Uputstva, imaju pravo na prednost prilikom popunu radnih mjesta u Agenciji, pod jednakim uslovima, ukoliko dokažu status demobiliziranog branioca ili člana porodice demobiliziranog branioca i ukoliko se kao nezaposlena lica nalaze na evidenciji nadležne službe za zapošljavanje.

Član 7.

(Posebni kriteriji)

Lica iz člana 2. ovog Uputstva, uz ispunjavanje općih kriterija za ostvarivanje prednosti prilikom popune radnih mjesta u Agenciji, moraju ispunjavati i posebne kriterije za ostvarivanje ovog prava i to da se nakon provedenog stručnog ispita po javnom konkursu za postavljenje državnog službenika nalaze na Listi uspješnih kandidata, a nakon provedene procedure po javnom oglasu za popunu radnih mjesta namještenika da se nalaze na Listi kandidata koji ispunjavaju sve uvjete oglasa.

Član 8.

(Jednaki uslovi)

Pod jednakim uslovima iz člana 3. ovog Uputstva smatra se plasman na Listi uspješnih kandidata za postavljenje državnog službenika, bez obzira na broj bodova ostvaren na stručnom ispitu i bez obzira na polnu i nacionalnu pripadnost, kao i plasman na Listi kandidata koji ispunjavaju uslove javnog oglasa za popunu radnih mjesta namještenika, bez obzira na polnu i nacionalnu pripadnost.

IV – POSTUPAK ZA OSIGURANJE PREDNOSTI

Član 9.

(Dostavljanje dokaza o ispunjavanju općih kriterija)

Lica iz člana 2. ovog Uputstva su prilikom dostavljanja dokaza o ispunjavanju uslova javnog konkursa i javnog oglasa, dužna Agenciji dostaviti i dokaz nadležnog organa za pitanja boraca o učešću u Oružanim snagama kojim dokazuju status demobiliziranog branioca ili člana porodice demobiliziranog branioca, (izvod iz matične knjige vjenčanih, izvod iz matične knjige rođenih, i kućnu listu), kao i dokaz da se nalaze na evidenciji nezaposlenih osoba kod nadležne službe za zapošljavanje, a koji treba da sadrži i tačan datum prijave na evidenciju nezaposlenih osoba.

Član 10.

(Faze za osiguranje prednosti prilikom popune radnih mjesta)

Agencija prilikom popune radnih mjesta osigurava prednost nezaposlenim demobiliziranim braniocima ili članovima porodice demobiliziranih branilaca u fazi izbora kandidata sa Liste uspješnih za postavljenje na radna mjesta državnih službenika, i u fazi izbora kandidata sa Liste kandidata koji ispunjavaju uslove javnog oglasa za popunu radnih mjesta namještenika.

Član 11.

(Dostavljanje rukovodiocu Agencije dokaza o ispunjavanju općih kriterija za ostvarivanje prednosti)

Nakon provedene procedure po javnom konkursu za postavljenje državnog službenika propisane u Zakonu o državnoj službi u Federaciji Bosne i Hercegovine i podzakonskim aktima, i nakon procedure provedene po javnom oglasu za popunu radnog mjesta namještenika, propisane u Zakonu o namještenicima u organima državne službe u Federaciji Bosne i Hercegovine, uz liste uspješnih kandidata za postavljenje državnih službenika i uz liste kandidata koji ispunjavaju uslove javnog oglasa za popunu radnih mjesta namještenika, rukovodiocu Agencije dostavljaju se i dokazi o statusu demobiliziranog branioca ili člana porodice demobiliziranog branioca i statusu nezaposlene osobe.

Član 12.

(Dužnost rukovodioca Agencije kod primjene propisa o prednosti prilikom popune radnih mjesta)

Kada rukovodilac Agencije dobije Listu uspješnih kandidata za postavljenje državnog službenika u Agenciju, i Listu kandidata koji ispunjavaju uslove javnog oglasa za popunu radnih mjesta namještenika u Agenciju, prilikom odlučivanja o izboru dužan je uzeti u obzir pravo na prednost kandidata koji ima status nezaposlenog demobiliziranog branioca ili nezaposlenog člana porodice demobiliziranog branioca.

(Odlučivanje rukovodioca Agencije o prednosti kod postavljenja državnih službenika)

Rukovodilac Agencije, prilikom izbora sa Liste uspješnih kandidata, za postavljenje na radno mjesto državnog službenika obavezno daje prednost nezaposlenom demobiliziranom braniocu ili nezaposlenom članu porodice demobiliziranog branioca koji je, pored ispunjavanja općih i posebnih kriterija iz ovog Uputstva, na stručnom ispitu, postigao veći ili isti broj bodova u odnosu na kandidata koji ne ostvaruje prednost pri zapošljavanju.

Član 14.

(Odlučivanje rukovodioca Agencije o prednosti kod popune radnih mjesta namještenika)

Rukovodilac Agencije, prilikom izbora sa Liste kandidata koji ispunjavaju uslove javnog oglasa za popunu radnog mjesta namještenika obavezno daje prednost nezaposlenom demobiliziranom braniocu ili nezaposlenom članu porodice demobiliziranog branioca koji je, pored ispunjavanja općih i posebnih kriterija iz ovog Uputstva, na intervjuu provedenom u okviru procedure po javnom oglasu, pokazao sve kompetencije kao i kandidat na Listi, koji ne ostvaruje pravo na prednost pri zapošljavanju.

Član 15.

(Prednost između dva ili više kandidata kod izbora državnog službenika)

Ukoliko dva ili više kandidata učesnika javnog konkursa za postavljenje državnog službenika u Agenciju, polažu pravo na prednost pri zapošljavanju po osnovu statusa nezaposlenih demobiliziranog branioca ili nezaposlenog člana porodice demobiliziranog branioca, i svi ostvare isti broj bodova na stručnom ispitu, a koji je veći ili isti u odnosu na kandidata koji ne ostvaruje prednost pri zapošljavanju, Agencija će dati prednost

OBRAZLOŽENJE

PRAVNI OSNOV

Parlament Federacije BiH donio je 2019. godine Zakon o pravima demobiliziranih branilaca i članova njihovih porodica („Službene novine Federacije BiH“, broj 54/19) u kojem je u članu 14. stav (2). navedenog zakona propisano da „Federalni, kantonalni, gradski organi i općinske službe za upravu i upravne organizacije, javne ustanove i javna preduzeća čiji su osnivači Federacija Bosne i Hercegovine (u daljnjem tekstu: Federacija), kanton, grad ili općina, su dužni prilikom prijema u radni odnos osigurati prednost licima iz člana 2. ovog zakona.“

RAZLOZI ZA DONOŠENJE UPUTSTVA

Prema članu 14. stav (4) Zakona o pravima demobiliziranih branilaca i članova njihovih porodica „Subjekti iz st. (2) i (3) ovog člana dužni su u roku od 60 dana od dana stupanja na snagu ovog zakona uskladiti svoje akte i propise i donijeti provedbeni propis kojim se reguliše prednost pri zapošljavanju, na način da se licima iz člana 2. ovog zakona osigura prednost pod jednakim uslovima.“

U poglavlju III – Kaznene odredbe Zakona o pravima demobiliziranih branilaca i članova njihovih porodica, u članu 52. stav (1) propisane su kazne za prekršaje u visini od 50.000,00 KM za pravno lice i 20.000,00 KM za odgovorno lice u organu uprave, ustanovi ili drugom pravnom licu ako, između ostalog, korisniku suprotno odredbama ovog zakona uskrati ili ograniči prava koja mu pripadaju.

Donošenjem ovog Uputstva, kao internog akta, a na osnovu Zakona o pravima demobiliziranih branilaca i članova njihovih porodica, uređuje se postupak osiguranja prednosti pod jednakim uslovima nezaposlenim demobiliziranim braniocima i nezaposlenim članovima njihovih porodica, prilikom popune radnih mjesta državnih službenika i namještenika u Agenciji za državnu službu Federacije Bosne i Hercegovine a u okviru procedura zapošljavanja putem javnih konkursne i javnog oglasa.

OBRAZLOŽENJE PRAVNIH RJEŠENJA

I - Osnovne odredbe

U čl. 1. i 2. definiše se predmet Uputstva i status demobiliziranog branioca i člana porodice demobiliziranog branioca.

II - Pravo na prednost prilikom popune radnih mjesta

U čl. 3. navodi se pravni osnov za osiguranje prava na prednost demobiliziranim braniocima i članovima njihovih porodica, prilikom popune radnih mjesta državnih službenika i namještenika u Agenciji.

U čl. 4. i čl. 5. navode se propisi koji se primjenjuju u procedurama za popunu radnih mjesta u Agenciji a u okviru kojih se kandidatima, demobiliziranim braniocima i članovima njihove porodice, osigurava prednost.

III – Kriteriji za osiguranje prednosti pri zapošljavanju

U čl. 6. i 7. razrađuju se, na opće i posebne, kriteriji za osiguranje prednosti nezaposlenim demobiliziranim braniocima i nezaposlenim članovima njihove porodice prilikom popunjavanja radnih mjesta u Agenciji

U članu 8. pojašnjava se šta se smatra jednakim uslovima prilikom popune radnih mjesta državnih službenika i namještenika u Agenciji.

IV – Postupak za osiguranje prednosti pri zapošljavanju

U čl. 9. do 16. propisan je postupak za osiguranje prednosti nezaposlenim demobiliziranim braniocima i nezaposlenim članovima njihovih porodica prilikom popune radnih mjesta državnih službenika i namještenika u Agenciji.

U čl. 9. propisuje se dostavljanje dokaza o ispunjavanju općih kriterija za osiguranje prednosti prilikom popune radnih mjesta u Agenciji i navode dokazi koje demobilizirani branioци i članovi njihovih porodica, kao kandidati, dostavljaju uz dokaze o ispunjavanju uslova konkursa ili oglasa.

U čl. 10. propisano je u kojim fazama konkursnih procedura za popunu radnih mjesta državnih službenika i u kojim fazama procedura po javnim oglasima za popunu radnih mjesta namještenika, Agencija kandidatima demobiliziranim braniocima i članovima njihovih porodica osigurava pravo na prednost.

U čl. 11. i 12. propisano je kada se rukovodiocu Agencije dostavljaju dokazi za kandidate o statusu demobiliziranog branioca ili člana porodice demobiliziranog branioca i statusu nezaposlene osobe i kada je rukovodilac Agencije dužan uzeti u obzir pravo na prednost kandidata koji ima status demobiliziranog branioca ili člana porodice demobiliziranog branioca.

U čl. 13. i 14. pojašnjava se način odlučivanja rukovodioca Agencije o prednosti prilikom popune radnih mjesta državnih službenika i namještenika u Agenciji.

U čl. 15. i 16. pojašnjava se način odlučivanja o prednosti kod izbora državnih službenika i namještenika između dva ili više kandidata, nezaposlenih demobiliziranih branilaca ili nezaposlenih članova njihove porodice, kada istovremeno ispunjavaju uslove za osiguranje prednosti.

V – Završne odredbe

U čl. 17. i 18. propisana je obaveza Agencije za dopunu teksta javnog konkursa i javnog oglasa u napomeni za kandidate, u kojoj bi trebalo navesti da su kandidati koji polažu pravo na prednost u skladu sa Zakonom o pravima demobiliziranih branilaca i članova njihovih porodica, dužni uz dokaze o ispunjavanju općih i posebnih uslova javnog konkursa ili javnog oglasa dostaviti i dokaze o statusu demobiliziranog

branioca ili člana porodice demobiliziranog branioca izdate od nadležnog organa za pitanja boraca i dokaz o statusu nezaposlene osobe izdat od nadležne službe za zapošljavanje.

U čl. 19. propisano je da se odredbe ovog Uputstva primjenjuju i u procedurama popune radnih mjesta u Agenciji na određeno vrijeme.

U članu 20. propisano je kada Uputstvo stupa na snagu i gdje se objavljuje.

Broj: 06-45-5960/24 Dž.P.
Sarajevo, 9. 1. 2024.

BOSNA I HERCEGOVINA
FEDERACIJA BOSNE I HERCEGOVINE
V L A D A
GENERALNO TAJNIŠTVO
N/r tajnika Vlade, gđe. Edite Kalajdžić

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
SARAJEVO

Primljeno: 15-01-2024			
Org. jed.	Broj	Priloga	Vrijednost
05/1	- 02 -	529	/23

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BiH
ZASTUPNIČKI/PREDSTAVNIČKI DOM
N/r tajnika Doma
N/r zastupnika Harisa Silajdžića

PREDMET: Odgovor na zastupničku inicijativu-dostavlja se
VEZA: Akt Vlade Federacije Bosne i Hercegovine, broj: 03-04-1458/2023
od 21.12.2023. godine

Poštovani,

Postupajući sukladno aktu Vlade Federacije Bosne i Hercegovine, broj: 03-04-1458/2023 od 21.12.2023. godine, a u vezi sa dostavljenom zastupničkom inicijativom Harisa Silajdžića, zastupnika u Zastupničkom domu Parlamenta Federacije, koja je dostavljena aktom tajnika Predstavničkog doma Parlamenta Federacije BiH, broj: 05/1-02-529/23 od 11.12.2023. godine, a odnosi se na provedbeni propis za član 28a. Zakona o pravima branitelja i članova njihovih obitelji, dostavljamo sljedeći odgovor:

Federalno ministarstvo kulture i športa podržava inicijativu poslanika Harisa Silajdžića, ali u okviru svojih nadležnosti nije u mogućnosti da donese provedbeni propis za primjenu člana 28a. Zakona o pravima branitelja i članova njihovih obitelji.

U procesu zapošljavanja, odnosno popune upražnjenih radnih mjesta državnih službenika, Ministarstvo primjenjuje odredbe Zakona o državnoj službi u Federaciji Bosne i Hercegovine („Službene novine Federacije BiH”, br. 29/03, 23/04, 39/04, 54/04, 67/05, 8/06, 4/12, 99/15 i 9/17 - Presuda Ustavnog suda Federacije Bosne i Hercegovine broj: U-13/16) i podzakonske akte koje je donijela Agencija za državnu službu Federacije Bosne i Hercegovine, koja je nadležna za provođenje procedure zapošljavanja državnih

službenika. Proces zapošljavanja namještenika vrši se sukladno Zakonu o namještenicima u organima državne službe u Federaciji Bosne i Hercegovine („Službene novine Federacije BiH“, br. 49/05 i 103/21).

S poštovanjem,

**MINISTRICA**

Sanja Vlajsavljević